



Broj: 10/E-11-1537/23
Sarajevo, ~~03-08-2023~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Rješenja privremene komisije za nabavku roba, usluga i radova, imenovana rješenjem Općinskog načelnika broj: 10-45-4964/23 od 21.07.2023. godine, (u daljem tekstu: Komisija), u postupku javne nabavke **Usluga redovnog održavanja lifta u zgradi Općine Centar Sarajevo**, konkurentski zahtjev za dostavu ponuda, uz primjenu e-aukcije, (Zapisnik o pregledu i ocjeni ponuda broj: 10/E-11-1537/23 od 28.07.2023. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „LIFTMONT“ d.o.o. Sarajevo, ulica Republike Bugarske broj 26, 71000 Sarajevo, broj: P-126-23 od 24.07.2023.godine, za usluge redovnog održavanja lifta u zgradi Općine Centar Sarajevo, konkurentski zahtjev za dostavu ponuda, uz primjenu e-aukcije, **u ukupnom iznosu od 12.800,00 KM bez PDV-a odnosno 14.976,00 KM sa PDV-om.**
- II.** Ugovorni organ će sa izabranim ponuđačem zaključiti Okvirni sporazum na period od 36 (tridesetšest mjeseci), kojim će se regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol ugovornog organa (originalne ili ovjerene kopije).
- IV.** Ova odluka stupa na snagu danom donošenja i dostavlja se ponuđaču učesniku u postupku javne nabavke u roku od 7 (sedam) dana, shodno članu 71. Zakona.
- V.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za usluge redovnog održavanja lifta u zgradi Općine Centar Sarajevo, konkurentski zahtjev za dostavu ponuda, uz primjenu e-aukcije, pokrenut je Odlukom Opštinskog načelnika o pokretanju postupka broj: 10/E-11-1537/23 od 24.04.2023.godine, broj Obavještenja na Portalu javnih nabavki: 848-7-2-116-3-132/23 od 17.07.2023. godine. Procijenjena vrijednost javne nabavke iznosi 12.822,00 KM (bez PDV-a).

U određenom roku za predaju ponuda, 28.07.2023. godine do 10,00 sati, dostavljene su 3 (tri) ponude, i to od ponuđača:

1. „OTIS LIFTOVI“ d.o.o. Sarajevo
2. „LIFTMONT“ d.o.o. Sarajevo
3. „DVG-ALM COMPANY“ d.o.o. Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

R/B	Ponudač	Ukupna cijena ponude bez PDV-a	Popust	Ukupna cijena sa PDV-om
1.	"OTIS LIFTOVI" d.o.o. Sarajevo	12.822,00 KM	-	15.001,74 KM
2.	"LIFTMONT" d.o.o. Sarajevo	12.800,00 KM	-	14.976,00 KM
3.	"DVG -ALM COMPANY" d.o.o. Sarajevo	12.800,00 KM	-	14.976,00 KM

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponude u smislu provjere njenih validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija je uvidom utvrdila sljedeće:

- **Ponudač „OTIS LIFTOVI“ d.o.o. Sarajevo** se isključuje iz daljeg postupka javne nabavke, jer nije dostavio dokaz zahtijevan tačkom **7.3. TEHNIČKA I PROFESIONALNA SPOSOBNOST:**
 3. Da je kao ugovarač u posljednje tri godine ili od datuma registracije, odnosno početka poslovanja, ako je ponudač/kandidat registrovan, odnosno počeo s radom prije manje od tri godine, računajući od dana podnošenja ponude, uspješno realizovao minimalno tri ista ili slična ugovora, ukupne minimalne vrijednosti kao što je predmetna nabavka za koje ponudač dostavlja ponudu.
Dokaz:
 - a) **Referens lista uspješno realizovanih ugovora, minimalno tri ista ili slična ugovora, minimalne vrijednosti kao što je predmetna nabavka, u posljednje tri godine ili od datuma registracije, odnosno početka poslovanja, uz potvrde izdate od strane druge ugovorne strane za uspješno realizovane ugovore. Referens listu ponudač sačinjava na svom memorandumu.**
- **Ponudač „DVG-ALM COMPANY“ d.o.o. Sarajevo** se isključuje iz daljeg postupka javne nabavke, jer nije dostavio dokaz zahtijevan tačkom **7. 3. TEHNIČKA I PROFESIONALNA SPOSOBNOST**
- 4. Ponudači su uz ponudu obavezni dostaviti cjenovnik originalnih rezervnih dijelova opreme (cijena sa i bez PDV-a), a koji se neće računati u ukupnoj cijeni servisa, niti će uticati na odabir davaoca usluga. Isti bi se koristili za nabavku rezervnih dijelova u slučaju neispravnosti nekog od potrošnih dijelova opreme. Ugovorni organ zadržava pravo kontrole cijene rezervnih dijelova na tržištu. Ukoliko Ugovorni organ dobije povoljniju cijenu rezervnih dijelova na tržištu, zadržava pravo da iste sam nabavi, a koje je odabrani ponudač dužan ugraditi o svom trošku (vrijeme uračunato u sklopu servisa).

Dokaz:

Cjenovnik originalnih rezervnih dijelova opreme (cijena sa i bez PDV-a).

Ponuda ponudača „LIFTMONT“ d.o.o. Sarajevo ispunjava formalno pravne, ekonomske i tehničke uslove odnosno zahtjeve Ugovornog organa. Konstatovano je da je ponuda prihvatljiva.

Tenderskom dokumentacijom je predviđeno provođenje e-aukcije. S obzirom da je od dostavljene 3 (tri) ponude, samo 1 (jedna) prihvatljiva ponuda, postupak javne nabavke se okončava u skladu sa članom 69. stav (1) tačka a) Zakona o javnim nabavkama. Komisija je u daljem radu donijela jednoglasnu odluku da se Opštinskom načelniku dostavi:

PREPORUKA O PRIHVATANJU PONUDE

Ponudača "LIFTMONT" d.o.o. Sarajevo, ulica Republike Bugarske broj 26, 71000 Sarajevo, broj: P-126-23 od 24.07.2023. godine, za dodjelu Okvirnog sporazuma za usluge održavanja lifta u zgradi Općine Centar Sarajevo, za period od 36 (tridesetšest mjeseci), u ukupnom iznosu od **12.800,00 KM bez PDV-a, odnosno 14.976,00 KM sa PDV-om.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od 3(tri).

Prilog: Zapisnik o pregledu i ocjeni ponuda
broj: 10/E-11-1537/23 od 28.07.2023.godine



OPŠTINSKI NAČELNIK,

Srdan Mandić

Dostaviti:

Ponuđačima:

- „OTIS LIFTOVI“ d.o.o.Sarajevo, ulica Paromlinska 53,71000 Sarajevo
 - „ LIFTMONT“ d.o.o. Sarajevo, ulica Republike Bugarske broj 26,71000 Sarajevo
 - „ DVG-ALM COMPANY“ d.o.o. Sarajevo, ulica Nedima Filipovića bb, 71000 Sarajevo
2. Kabinetu općinskog načelnika – Odsjek za javne nabavke
 3. Službi za zajedničke i tehničke poslove
 4. Službi za finansije
 5. Arhivi

